

叢書集成續編 第一八七冊目錄

文學類



文別集——明

澹園集四十九卷續集二十七卷(二).....	明	焦竑撰	金陵叢書	一
泊水齋文鈔三卷.....	明	張慎言著	山右	三一九
蓮鬚閣文鈔十八卷.....	明	黎遂球撰	廣東	三七一
清溪遺稿一卷不朽錄一卷清溪公題詞一卷.....	明	錢啓忠撰	四明	四八七
堆山先生前集鈔一卷.....	明	薛宗撰	常州	五五三
夷困文編六卷.....	明	王嗣爽撰	四明	五七三
囊雲文集二卷補遺一卷.....	明	周齊曾撰	四明	六四九
髻山文鈔二卷附錄一卷補遺一卷附校勘記一卷校勘續記一卷.....	明	宋惕撰	胡氏豫章	七〇五
百旻遺草一卷附集一卷.....	明	魏元曠撰	胡氏豫章	七〇五
	民	胡思敬撰	邨園	七四九
	明	葉世僞撰		

296-48-481

德

壽

象

書	蔣	一
屋	氏	卯
校	慎	病
印	脩	月

行狀

資德大夫正治上卿總督倉場戶部尚書贈太子少保諡恭簡天臺耿先生行狀

先生姓耿氏諱定向字在倫楚黃州麻城縣人先世於春秋爲國姓至漢大顯封侯將相者不下數十輩後子孫散處江汝間元季兵亂有均用公者負奇氣率里中豪據險自保尋受朝命爲鎮撫鎮撫公生國寶高皇帝起淮甸國寶公攜次子必安杖劍從之必安公以功授濟陽衛千戶而長子必順奉母周自光山遷麻城之太平里家焉傳五世爲鳴甫公大

乙八 濟園三十三

金陵叢書
蔣氏校印

振生靜庵公金娶於秦而舉先生及仲子定理叔子今南京都察院右副都御史定力季定裕鳴甫公親身教家內行甚備而靜庵公棲跡衡門舉一切浮豔之好無以入其襟際衷誠秉醇意泊如也靜庵公以先生滿御史考封如其官母秦爲孺人後與鳴甫公皆贈通議大夫刑部左侍郎而王母李暨母秦皆淑人先生生有至性甫二歲卽依依鳴甫公側蚤夜不離鳴甫公性方嚴遇諸子姓不少假獨鍾愛先生先生一日繞膝下以官綬問遞至公卿矣曰更有上者否鳴甫公曰獨有聖人耳先生應聲曰兒異日當爲聖人鳴甫公奇其志已心儀其爲大人器矣七歲靜庵公手書大學授之爲命今名李淑人卽世哭之甚哀既葬時時率昆從瓣香展拜其

乙八 濟園三十三

二

金陵叢書
蔣氏校印

蔡十二通書大義間有述造爲一時名流所賞異靜庵公喜造訪彭公甫台遂定交十四負笈從師去家七十餘里冬聞鳴甫公訃奔歸沿途哭聲不絕行路哀之癸卯補縣諸生誦讀出入率與公甫俱金令勿者甫下車有材名風裁赫然而機宜或未協先生因試策具言利害幾五千言令大驚賞諸首每督學使至輒居高時公甫讀程朱語有契先生亦奮自樹始相與講古聖賢學公甫賓賓規行矩步意以主敬爲鵠先生曰道在明倫盡倫所以學聖也惡用此拘拘檢柙爲著五倫圖說公甫不能易而先生亦不覺入公甫彙括中矣己酉落第諸諸從苦過更算賦不能庇始發憤下帷手一編至寒膚凍腹不知也壬子舉於鄉同儕擬製綺若蓋先生竟以布袍宴歸是歲春公甫疾革訣曰以若之才雲蒸龍變會當有時第恐我死無與成若志耳先生攬泣誓畢此生母相負丙辰以春秋魁南宮授行人司行人逾年三殿災奉命宣詔於楚便還里中仲子覃思大道有所悟入先生未知也有問者曰子學從何入仲子曰吾從無極太極入不落陰陽五行先生異其言因與討論不輟間舉羅文恭語似仲子曰學須靜中得一番光景白沙所謂養出端倪是也仲子厲聲曰有何光景先生且爽然自失意意於存虛矣戊午春報命偕仲子入都與豫章章羅維德胡正甫兩先生遊先生存虛之功實勤顧於應感自覺支離一日與仲子飯忽契文成良知說仲子私諸同志曰吾兄近能反約以約失之者鮮矣冬復奉

命使衛維德先生曰子歸矣仲子始天授非吾儕比幸與細商之至衛竣事歸習靜五雲山偶舉筮有省語仲子曰噫一身皆知體也奈何耿耿於膺耶頗自咤仲子曰通天徹地皆知體也乃益大咤已未入都值詔選給事中御史肅陽馮公爲少宰使人諷先生一見先生謝不往秋授雲南道御史時分宜柄國家宰吳鵬爲之爪翼賄賂公行濁亂銓政舉朝陰拱而觀無敢發先生列鵬六事及諸以賄進者語侵分宜甚疏具肅皇帝實錄中上震怒因斥鵬而分宜亦稍稍動搖矣遣人偵先生甚急姜公廷善胡公正甫咸坐此補外知交經先生邸巷亟策馬過之先生不爲動其年巡東城嚴良賤輿服之等謹問里童蒙之教省訟便民平反重辟若干條辛酉

乙八

國三十三

三

金陵叢書
蔣氏校印

奉命案甘肅過里門以近學諭仲子仲子曰然孔氏之無聲無臭亦自有形有象孔氏之有形有象原自無聲無臭先生首肯之自是於有無內外精粗顯微無二見矣秋仲以仲子行遊太和山至均州而別先生既履邊著巡夏約法三章至蘭州渡河以西近寒折膠故事直指使至中丞具貂裘蠶帳以迎晉庵戴公曰余視耿公蓋古道人也而以俗禮事之不可於是諸將迎餽贈止毋辦一見以實告先生感其知己相得益歡亡何改督南畿學政在事七閱月所舉如太宰王公本固宗伯孫公應鰲中丞孟公養性方伯趙公希夔皆藩臬中聞人而獨司馬王公崇古人妙知之者先生特迂爲之解使脫穎於時而後已後王公卒豐績邊陲倚爲長城焉往直

指使出都門分宜必加幣燕之至所部括贖金稱謝甚者以千計先生第爲奏記述古義諷之而以絲帕枸杞侑其言曰公荷國重恩當求士以報而因薦二人其一卽江陵曰此異日可以託國者其一卽維德先生曰此公鄉人中不食烟火者尋分宜敗諸蠅附者咸掉臂去獨維德先生時過存之分宜仰天歎曰吾識公晚矣向耿公曾語我耿公其聖人乎先生既去甘肅一敝篋自隨經關中直指以石經隗先生喜而受之已見役夫行潯暑中惻然曰節川愛人非經中語耶吾寶此厲民殆買櫝還珠類也因解留洛陽與多士共之有留經記冬抵任留都鉅公名儒往往稅駕其間英多特達之士綴學者修者蓋不乏人顧渙焉而未有其統先生至毅然以

乙八

國三十三

四

金陵叢書
蔣氏校印

斯文爲任舉簡書所云崇正學迪正道者稟爲功令直掇仁體以示人案吏則先風化而抑撻擊校士則獎名檢而黜浮華桑陰未移而下自化自屬吏諸生日爲汲引隨機立教不強所未至由其內者先生爲之推離還源相與踴躍如寐得覺由其外者先生爲之易辟就衷相與浣濯如疾獲差致尊中衛過者斟酌之多少不同而各得其宜以故從遊之徒或彈冠登朝爲世羽儀或重席談經爲士杓的繼屬蔓引於今不絕作人之盛近世未有也當海忠介公令淳安先生賞其風節爲著傳薦之徐文貞公得入爲戶部主事忠介抗疏忤旨繫獄先生復擬申救文貞懼益上怒止之時文貞與新鄭新有郤御史齊康探意露章詆文貞朝議聞然先生以謂此

邪正消長之幾不可失。上言趙璟構陸贄李沐排趙汝愚爲
唐宋覆轍康之劾輔臣階也。僉謂高拱喉之夫病國莫大乎
妨賢而凶德莫甚於圯族拱亦何利而爲此自古亂人國者
惟貪與戾而戾爲尤甚如拱者褊心蠱氣無大臣度陛下將
焉用之書上上爲遠謫康慰留文貞而新鄭遂去國七月晉
大理右寺丞凡都御史御史在外舉刺類不相詭時撫臣謝
登之疏論維德先生及兵憲王道行先生特爲白之且曰撫
臣職在肅吏治時見吏治之弊故其綜覈也嚴臣職在育人
才每見人才之難故其保惜也切跡若相反而實相成也已
寓書文貞曰閣下獨屬意張君深相獎挹誠爲天下得人者
顧性喜簡淡吐握之勤於閣下不什一人或以少之願更與

乙八

廣園三十三

五

金陵叢書
蔣氏校印

進焉書千言拳拳以推賢援能爲意蓋分宜時先生曾薦此
兩人分宜不能川至是江陵藉甚公輔之望而維德先生亦
安其官如故十一月晉大理左寺丞先是建崇正書院成著
會儀遴十四郡髦士羣而鼓鐸之屬小子某領其事余時奉
先生之教與二三子傳習其中當是時文貞以理學名卿首
揆席設簾待賢下及管庫視先生不啻天符人瑞而先生踞
師儒之任六年於茲摩蕩鼓舞陳言邪說披剝解散新意芽
甲性靈挺出土蘇醒起立歎未曾有皆轉相號召雷動從之
雖縻他師者亦藉名耿氏海內士習幾爲之一變戊辰北上
次汝甯史公桂芳適爲守初先生在留都以秦淑人誕日享
有加鑑史時爲比部見之拂衣起先生固問之贊夷不言第

7963

歎曰富貴移人先生喻其旨拜謝而已至是始語之故史公
曰子時何默默耶先生曰儒者所言必以余不喜聞過其誰
復告我因相與一噓是年得予告歸文貞既老去位新鄭起
山間以台司兼握銓柄亟合黨與以行其畦毗歲庚午先生
繇御史佐廷尉四年矣猶以舊官謫判廣西之橫州頃之新
鄭敗御史馬明謨等薦先生起浙江衢州推官癸酉二月晉
工部屯田主事九月晉尙寶丞冬北上甲戌春奉命册封魯
府八月晉尙寶少卿乙亥晉太僕少卿尋晉都察院右僉都
御史協理院事五月聞秦淑人訃奔歸哀毀骨立喪葬悉奉
古法不爲世俗禮自今上臨御江陵勵精求治提衡宇內宴
然如一後浸爲苛急不類初政先生以桑梓之誼又雅爲所

乙八

廣園三十三

六

金陵叢書
蔣氏校印

推重屢進苦言江陵卒瑣其規不以受而先生自此疏矣戊
寅以靜庵公高年歸居奉之龍灣莊躬稼圃以養將終身焉
甫服除以原職起撫福建先生邑邑不自得亟勒疏乞休不
報靜庵公趣之行先生含涕就道既入閩先撫臣劉公堯誨
以閩濱海當備不虞顧爲不虞備者兵易而餉難爲是權商
稅覈積通清隱田拮据百方而餉始稍饒龐公尙鵬至一切
報罷民多戴之者先生乘其後從劉則民拂從龐則餉調乃
在所周咨裒益審畫其間用是於兵民胥不病己卯詔下方
田閩少廣阡巨原於峻嶺如梯於窰谷如孟於江陀海澳則
如瀛先生模廣輿圖式地列區分揭之後屏山阻水涯之間
咸若目視者手條八法布之不數月報完力省而功倍已又

7964

一官民之則立條鞭之籍取丁糧所輸銀署片札下之窮鄉
令猾胥不得高下其手修保甲鄉約行之以其間輯小學新
編間訓禮義以教民先生持大體不囁喋苛細而其所爲實
曠來遠銷惡同風者甚具時逆賊林道乾橫行海外島嶼星
列迄於日際往往爲其淵藪四出剽閭閻勢張甚先生爲
設方畧徧檄諸寨酋并力擒之初我兵得銅銃一爲東埔鎮
器相傳失之則災眚立至寨酋皇皇無所據先生約獻賊腹
心并我兵之陷沒者數百人乃以歸之寨酋熱香頂受歡語
如沸旋遣使齎金書牙蠟來謝督與暹羅等國擒賊報效且
歲請貢以爲常先生既雅有金粟馬羊之誓而又以貢非國
舊典卻之弗與通第上言東埔寨酋稽顙效順爲諸酋倡我

卷三十三

七

金陵叢書
蔣氏校印

兵復歸如獲再世此皆皇上之仁覆露使然即今論以擒賊
之後格外懸賞庶暹羅進有犄角之藉道乾退無主藏之藪
不煩尺箠而折衝有日自是鯨鯢遠跡海濱延袤數千里緩
帶含哺無驚波怒濤之警先生力也先生坐籌帷幄不屑屑
博棧名復恥以自張大而當事者既久杖柱於先生疏上詔
止賜金後先生竟絕口不言庚辰四月聞靜庵公計將解職
疏薦參議今奉常鄭公汝璧等劾某官某等若干人時論快
之癸未先生變除踰歲矣會叔子出守成都先生泣送之曰
先人種德乃有今日願以隱約終澤未及人也成都屬三十
餘城若能爲千萬家寄命乎乃可以慰地下亡何詔沒江陵
登川者俊臺省中如周公邦傑肅公彥鄒公元標王公亮涂

公杰王公國郭公惟賢連章薦之甲申三月起都察院左僉
都御史八月晉左副都御史陸莊簡公爲御史周之翰所誣
譴先生爲別白言之以爲光祖三朝耆舊辟之喬松古柏託
根巖谷千百年長養之萬夫力致之以一匠氏之誤斲而頓
棄焉不已悲乎時新進者爭爲搏擊相煽成風不顧事實先
生陰爲調劑之不得則頌言之又不得乃疏聞於上其保全
善類而惟恐傷之皆此類也冬疏請從祀文成公得俞旨乙
酉晉刑部左侍郎丁亥七月報滿恩贈二世如制十一月晉
南京都察院右都御史己丑再乞休俱奉溫旨不允六月以
御史陳言外午引咎求退并申救撫臣陳公有年徐公元泰
周公繼而部覆奏云定向道義親身忠直許國立朝大節歷

乙八 卷三十三

金陵叢書
蔣氏校印

歷可稱卽今總憲南臺眞足表儀士類所薦三臣實見其才
器過人未可終棄誠爲國惜才古大臣之用心也繼業奉旨
留有年元壽宜及時起用仍諭某不必辭免奉旨都御史臺
臣之長是非可否當言卽言何必自陳求退著照舊供職時
陸莊簡姜宮保昕夕與先生過從談名理學者見之繪爲三
老圖先生年漸高又善病無食頃不爲歸計獨念國本未定
不難嘗嫗陳之曰臣歷觀前史凡宦官之姦者小之布交外
庭廣行賄賂大之潛援宮禁動搖國本賄賂行者亂官常國
本搖者危社稷張鯨前罪諸臣言之詳矣而其後罪則諸臣
之敢怒而不敢言者也臣久荷國恩衰病浸淫報效日短若
心知國家有隱憂而不盡言悟主冀銷禍萌一旦身填溝壑

296-4681

日不能暇未報而先生求去益力十月召爲戶部總督倉場
尙書至是凡九疏乞休十二月奉旨卿耆德碩望簡任司徒
以疾固辭情詞懇切准回籍調理痊可之日撫臣等具奏起
用先生歸櫬糧屏屨丈室蕭然而閱時憂道之懷倍逾往昔
雖居萬山中四方學士順風而請者如鳥投林如川赴海無
不人人爲叩兩端期於有寤間亦泚筆多所撰述其言珠玉
布粟藥石也要以沾丐小生鍼砭俗學不爲泛常無益之語
暇時率羣從入天臺山天臺崔嵬鬱盤興雲散潤蓋光黃間
一與區也而先生杖履消搖其間學者因稱天臺先生叔子
晉奉常予告家居侍先生於斯先生歎曰吾與此山別矣有
八袞父強七袞子五旬弟傍七旬兄之句蓋追思靜庵公八

乙八

國三十三

九

金陵叢書
蔣氏校印

十時曾遊此云及叔子再起奉常親先生疾劇日脈湯藥不
能去自後氣息奄奄猶整衣冠危坐中寢與門下士論學如
平時頃之如假寐者而逝蓋丙申六月廿一日也距生嘉靖
甲申十月十日享年七十有三遺命國恩未報身身後陳乞
以增踰溢之愧而臺使者計聞於朝上震悼采禮官議予祭
二壇遣行人劉一焜治葬追贈太子少保諡恭簡嗚呼其於
哀榮之典備矣先生生而岐嶷龐眉戟髯目無流視坐無倚
容孝思忠直出自天性其好學不厭若火之必熱水之必寒
有不能自己者主持正學先後凡累變大都以反身默識爲
先以親師取友爲助以範圍曲成爲徵驗一言一動皆足爲
學者法至於微言渺論第以開端啟途徐俟人之自得他如

淫波之詞詭異之教則排斥之不少假借蓋國朝理學開於
白沙大明於文成文成之後一再傳而遂失之承學後進竊
其管闕篋舉寄徑而穴焉以至發城抉樊受衍於荒淫之陂
而失其大宗先生重憂之爲坊甚力海內游道餐風之侶悉
咨覲而求正是正兄弟間自相師友所爲鐫勉者尤篤仲子卒
先生流涕長漣曰昆弟手足耳若仲者予心耳目也天喪仲
是別予目輝予耳與剗予心也何以生爲先生自謂於學得
仲而有覺其痛心入骨非直以友愛故而已後進有片善必
推挽之於內外族隨事拯濟俾其得所鄉人有見枉者必言
於當事仲理之惟卹苦念舊是急不知其他少居麻城之西
偏公甫語之曰是鄉陋吾儕異日必擇里而居先生曰天生

乙八

國三十三

十

金陵叢書
蔣氏校印

吾儕以化民成俗夫何陋之有後力議建縣是爲黃安頃芸
夫牧豎亦知嚮學弦誦彬彬幾與鄒魯同風矣歿之日四方
同志咸爲位以哭鄉人追悼彌久不忘尋請有司祀學宮而
留都既列之名宦且有專祠貌先生而尸祝者鳩工庀材不
飭而具春秋舉事奔走如林亦足以見教思之無窮而公論
之不可泯也嗚呼盛哉先生所著有綸簡類編奏疏牘草應
迹碩輔寶鑑耿子庸言先進遺風敦學商求小學新編閨訓
禮纂收要編譯異編儒宗傳大事譯學彖黃安初乘耿氏家
譜觀生紀詩文集總若干卷配彭氏省祭公愈積女贈淑人
先十年卒子一汝愚選貢彭淑人出娶彭即鄉進士公甫女
公甫死先生歲時經紀其家終身如一日嘗歎曰恨公甫不

見吾學之就也後竟修潘楊之睦以此女一側室胡氏出嫁戶侍周公思敬幼子之復孫三應某官生應某孫女一適尙寶周公弘輪子應崙鄉進士汝愚以歲丙午五月七日葬先生袁英河之原而叔子方弭節留都時語余曰惟子知先生者盡狀之以請銘余自結髮束修以至於今其幸稍有聞秋毫皆先生賜也其何敢以不斐辭嗟乎先生之道如日中天天下莫不知而有爲先生手劬者至造作謗書以恣其辱吻雖浮妄不根眾所簡斥而無忌憚亦已甚矣夫吾孔子不免羣小之口端木氏嘖嘖焉辯之不置必得江漢秋陽之說而後定先生統承孔氏而某之智足以知先生也後乎子貢曾子第據事直書其崖略如此所恃大君子椽筆發明先生之道而定其功從祀之舉必有嗣文成而興者余小子屏營以俟謹狀

乙八 國三十三

十一

金陵叢書
蔣氏校印

陝西按察司副使寬川沈先生行狀
嘉靖甲子比士上用言官議兩畿分校選京秩有學行者充之於是寬川沈先生以南屯部郎校尙書得十有三人不佞某亦幸與焉異日宣猶著績爲時名流者項背相望人以至多先生之鑒獨不佞脈脈所樹先生開發成就之始終備至蓋二十有五年如一日也昨某濫竽一第先生色喜貽書醵勉卽某淺薄不能副期待之百一庶藉模楷以自免於饕戾而先生逝矣嗚呼痛可言哉先生弟啟南將相兩孫葬先生嘉善思賢里祖塋之次以世系生卒行事屬小子布狀將

乙八 國三十三

十二

金陵叢書
蔣氏校印

圖所以紀諸幽者小子則曷敢辭先生諱啟原字道初別號寬川一號存石其先汴人宋南渡遷會稽洪武中始祖庭芝自會稽徙松江遷善鄉宣德中以遷善鄉隸嘉善遂爲嘉興府嘉善縣人庭芝生璵字子厚始贅居秀水之長溪子厚生璵璵生淵淵生度世以孝弟力田起家度生東園公復是爲先生大父用子貴封徵事郎刑科給事中東園公生石雲公謚卽先生考舉嘉靖己丑進士由行人授給事中仕終湖廣參議石雲公配盛氏贈孺人繼盛氏封孺人是爲先生母後竝以先生南曹郎考績石雲公加贈朝議大夫繼配盛孺人亦晉封恭人初石雲公數艱子久之始舉先生先生生而奇偉當庚寅年五歲會石雲公奉使代藩事竣還京留先生侍東園公於家臥起唯諾有成人度東園公喜貽書於子曰而卽勤勞王事有此兒爲朝夕懽吾忘其老也無何先生疹發劇爲小兒醫者皆愕視先生猶然持一編朗誦眾甚奇之及石雲公轉山東僉憲歸則先生年十二學日就緒自是更延高等博士弟子教之如一山王公文湖盛公皆先後受業歲庚子督學蒙溪張公校士得先生大爲稱賞以儒士應試省闈歸而補邑諸生益折節好學復集郡中時髦爲會于水東別業及文湖書院乃丙午舉於鄉年財二十有一也丁未庚戌癸丑三下第歸五七年間佐石雲公治大母喪及公宦遊江右所爲攝理家政井井矣暇日則經史諸家大肆觀覽至於麟經則有集解馬班則有集覽卽堪輿醫卜諸書靡不尋

295-4468

82

其宗趣父子家人自相師友所考究必詳且至蓋先生性敏志篤功夫深密宜其博而有要也癸丑石雲公自江右歸卒於家甲寅東園公亦逝先生喪葬事致於禮會倭亂暴起以軍興加賦閭里騷然督撫公破禽徐海等於平湖奏捷還郡城文武將吏暨召募士著之兵皆在餽廩行糧日費二百金不貲縣令念閭里空乏盡括羨餘以佐之不五日告竭先生偶以他事謁令與語令忽忽仰屋深念先生曰公何念之深也令曰非他時文武大臣及募調諸兵在念有能具五日費則某之責可道已先生立曰原當任之令躍起拜先生亦拜即夜歸率幹僕數人持千金畀之聞者以為難初徐海未禽連歲剽掠嘉湖蘇松間先生偕僮力販徒散以飛舸日團

乙八 卷三十三 金陵叢書 十三 蔣氏校印

聚長湖大溪中躬指授進退之法重償其直而諸販徒亦自感奮一日倭果操兩巨艦由平望入鄉而南近家不一里遇飛舸從傍夾擊之因連遲北避至晚先生大驚之顧鄉之親友曰吾以此舟得免一鄉害較所費孰多此舉也始以團聚而脫倭奴之禍又以脫禍而收販徒之心知者自是服先生才可以大受也已未成進士登丁公士美榜其廷對策文詞古雅楷法工緻咸謂上第不忝及發卷閣部大臣果遣報一甲第三人矣會以他故移置二甲十七名故事十七名者為選首於法得北曹郎以前一人欲為選首過先生曰使若以序次必首選予得州守矣幸若安之毋難予先生曰選之先後例也予豈有所謁哉予固不敢以君之過而爭亦不敢以

君之過而讓當聽其自至及期前一人果挾分宜執下銓部時冢宰遂駕言以親知故為先生嫌而欲首前一人選司王力言於冢宰曰因親知而抑之不可因親知而抑之亦不可執不肯首前一人卒並授南曹而先生為屯部郎得報先生怡然曰南北等耳况予性簡澹南曹甚宜我庚申蒞任值分司儀真者為臺中劾去大司空康公曰是役也非屬屯部第極敵之後非沈郎不可於是直屬之先生先生抵真州大反前政於牘時其啟閉於舟疏其往來於椿輕其陪罰於商任其通販於賈免其徵絲而浙直白船例不得由牘先生具呈大司空弛其禁瓜儀里老甲戶至竹形戶視之蓋所攝僅四句耳會新任者代遂歸董蘆政蘆政差奉旨有勅印其體視

乙八 卷三十三 金陵叢書 十四 蔣氏校印

臺中乃前是者自為貶損故奉行後而豪民占洲場負稅課不可勝計金錢累鉅萬積逋至三十年先生一拜命立詣所轄申明職掌而又上請大司空曰奈何上下欺蔽第以國家利為奸豪囊資也宜具奏移文撫按嚴督各屬於是人人知先生意旨遵守益謹追徵補解月不下數千計前未有如先生之多而體貌亦未有如先生之重者癸亥轉本司郎中尋考績得贈考妣如制而其配錢亦封安人乙丑調南儀制司金陵多佳山水恭置綺錯而禮曹又清暇先生率二三同志於燕磯樓霞閣攜壺賦詩婆娑甚適人見以為悠然送日而先生之韻度遠矣丙寅冬遷四川參議明年丁卯奉盛恭人行抵蜀所轄為川南道時天全土官高定楊時譽相聲殺

當事莫知爲計先生至移檄諭之其中宣揚朝廷之威德追述先代之功勞鼓舞世傳之忠順究竟起毀之緒端諄諄數千言示以禍福利害令其改圖二家感悟謂先生不卽奏勦而拳拳諷解使我輩如前博噬能免禽滅哉於是鈐東部夷解散黨與一聽先生約束而邊民臥始帖席矣他如申鄉約嚴保甲慎巡警禁私渡行之內地者人咸稱便而謗鹽井續增之課銀定番僧賞犒之限制尤爲無窮利云皆所陳公寅所嚴公撫蜀兩列薦刻謂大用可指日竣也歲己巳以盛恭人卒於雅州官舍扶柩歸某弔之江潯先生涕泣交頤令余不忍舉首視以別癸酉服闋適子鄉領鄉薦北上先生偕之甲戌補山東參議其分道在濟南而省政之當議者有稅糧

乙八 濟國三十三

十五

金陵叢書
蔣氏校印

收馬二事先生甫至議稅糧徵解自有成規而郡縣所行不一有照舊總收僉大戶分解者有分倉徵收經收入領解者有各里自收令大戶類解者有總立概頭各戶自投納者非畫一規擬總收之銀差佐貳首領類解郡中卽以羨餘充道里費其解銀大戶盡裁之止米麥仍僉大戶收解而催督責之里排監收屬之大戶課糧設之公堂種種悉爲經畫議上撫臺著爲令而吏書之弊竇塞小民之陪累減一省皆受惠矣收馬之役濟東三府獨當之而青登萊無與先生閱其不均酌令彼此通融以疏民困議上馬院亦爲令丙子秋遷陝西按察副使治關南關南當四通之達驛傳爲累錢糧不支會撫臺董公下先生議先生歷考道路之衝僻供應之繁

簡至馬驢夫役一一斟酌至今遵其例行之丁丑子鄉成進士上又試進士之雋者令讀中秘書鄉得首擢先生聞報歎曰夫子家世耕讀何修而受國恩乃三世哉吾其歸矣適撫臺委勘城垣弗果行先生詣各州縣躬閱略鳳縣褒城因其地形量爲修築三城悉爲巖邑先生力也十月按院巡金州守道缺先生并署篆遂赴金州不五日撫臺亦於是時巡鳳縣金州去鳳縣爲里二千而遙度不能兩詣乃以揭迎之撫臺謂爲慢已因以他語中先生奏旣上先生翩然登舟無幾微見顏面歸塗泛洞庭登太和每於山川名勝輒低回留不能去曰吾少不能爲少文之遊幸所歷多名山足償吾願歸而自號岷峨泰華主人識西蜀山東陝右也比抵家奉旨

乙八 濟國三十三

十六

金陵叢書
蔣氏校印

調用當事以先生清望久著輒議補先生先生徐念曰夫人生之樂在曠然全其天真吾自登第抑首者二十年茲得寬假又何能以七尺軀僕僕爲人類仰耶且機穽已蹈尙不覺悟將令溪上之鷗笑人也遂絕口不談世事亦不復通謁貴顯惟日和羊長溪之上芟葦先人林園誅茅治屋爲偃息計爲堂有與閣存石爲閣有紫芝閣風爲齋有止觀徐于爲臺有紫雲香雪爲亭有蒼玉點易栽花種竹野服葛巾親朋來往如山人而已性澹朴無所芬華飲食之奉雖精潔未嘗過豐見富室窮水陸之珍爲饌者必曰古人飲不過五鼎陶然歡洽矣何乃暴殄至此哉被服鮮整然非紉濯數四不更至於繕築棟梁懷題至竹頭木屑經紀毛密斧斤無剩材布算

無遺策即匠石氏心計不如也或有以遂十一之說進者則閉目搖手曰與其悖入而濫費孰若節費而寡營辭受取予無大小臺榭於義有請託輒遜謝之脫冤抑不白毅然爲之中理雖動遭物議不惜也聞人善極力播揚不善必隱之有以實叩者則曰經目之事猶有未真況捉影捕風者吾敢信乎與人交無所不容始或以他事見欺既而敗露先生知之如弗聞也者弟啟南少而孤先生愛之甚置臥內與同課誦至漏下三四鼓不倦族多窘先是東園公置義田若干爲婚喪資先生復以其餘歲莫人給之每歲租入率蠲十之二三貧交疏昆弟人人得所欲以去故常被疾日無貴賤大小爭趨祈禱願以身代所在祠廟肩摩踵接至屬續後弔者無不

乙八

國三十三

十八

金陵叢書
蔣氏校印

泣且悲焉平生珍玩貨寶聲色狗馬畧不屑意而所篤好惟圖籍上自金匱石室之藏以至古今集悉購無遺或少缺畧借之儲書家務繕寫完好乃已舊有書樓三楹爲石雲公藏書處至是所積滋多復爲樓貯之名曰芳潤淨几明窗悠然翻閱手不停披寢食俱廢雖樂收藏不拘拘宋元舊刻惟求紙版精明足供披覽人有惠先生書者啟封忻然即百朋不管也平居不耐酬應或談經史評法書而閤人持刺以進蓋未敢臧眉爲之攢矣即當路諸公多門生故吏先生絕跡不入城不投謁然當路推轂人才必引以爲重先生視之泊如也所爲詩冲澹夷曠氣韻和平一字不妄中夜推敲務求是常文則疏粲縝密詞足發意所謂仁義之人其言藹如也蓋

庶幾近之所著有詩文二集公移雜著藏於家先生爲人儉約自飭而賑窮周乏雖多無所吝接人溫溫而義有不當輒毅然不可回奪平居訥訥似不能言而上下古今評騭經史如倒囊出物愈出而愈不可竭獨其用未盡酬於世而其文章議論又未施於郊廟朝廷第爲士民閭里所歌誦其所歌誦者不過以爲有惠政與篤行爲君子長者之遺風而已未能信其可大用者爲何如也嗟乎使先生調官時迴翔不去居家不堅臥不起必能致通顯有當世事功然先生去之決不起之堅皆有深意其出處去就靡不當於義而斷之以勇豈苟然哉凡材敏者類能馳騁乎事功而非負學術者其出處去就未必當於義先生得其難而易者可知已小子某於

乙八

國三十三

十八

金陵叢書
蔣氏校印

諸門人荷知特深握手深語進以爲可教顧於先生之歿未能奔哭以少效執紼之役惟是講聞事行最深且久敢謀諸先生之弟掇拾大畧次序如右以自附於門人小子之誼俟銘先生之墓者擇焉先生生嘉靖丙戌正月十有二日卒萬曆辛卯三月二十有四日享年六十有六配恭人錢氏子一自鄉丁丑進士翰林院修撰先先生二年卒娶王氏封孀人女二長適副使楊公道亨子太學生繼芳次適副使卜公大同曾孫庠生鼎臣孫二長麟續聘祠祭司主事陳公泰來女次鳳續聘翰林院編修馮公夢禎女孫女二一許掌院事少詹事黃公洪憲子承吳一許都水司主事項公德禎子洪謨南京都察院右都御史方麓王公行狀

明興雍熙庶碩之化垂三百年士大夫通經學古者項背望於朝而莫盛於方麓王公蓋楊公文懿蔡公虛齋呂公文簡輩皆覃思大道錯綜經學至公則牛毛繭絲貫串精博山經術以通於世務醇如也余往在史局被命撰藝文新志悉取公書著於編錄且請藏諸秘閣蓋公經行修明歸然爲當代之望學者方仰爲模楷而今已矣公薨天子震悼贈公太子少保予祭二壇遣後軍都督府都事劉戡之營葬事公諸子肯堂等卜吉於青岡墩之原而窆焉肯堂排縉公事行而屬余小子布狀則何敢辭公諱樵字明逸別號方麓先世自江州徙潤之金壇家焉入國朝孝字子輝稚齒上書高皇帝請代兄死尋撫其遺孤以家財盡讓之子輝公生遜軒公政政生筠軒公鎮皆孝友樂施予三世出粟賑饑至萬餘石詔遣行人勞之旌曰義門筠軒公生濟菴公瀚贈兵部武庫司主事瀚生遲菴公臬正德丁丑進士仕至山東按察司副使嘗諫武宗南巡幾死杖下賢名噪一時配安人于氏生子五人公最幼子也少性操井介恂恂然動止自矩中憲公奇之十二從父宦於萊從學萊人尹先生讀書迎解下筆多雋語憲副公行縣將鎖廨尹先生豫授一月或兩月書出公蚤夜佔畢不待程督而自力迨歸試之無不口誦如流者十七補縣諸生丙午舉應天鄉試明年舉進士授行人逾年使蜀已復使代饋遺一切辭不受輅軒所至山川風俗賦役人材必參以圖經傳記察其盛衰登耗之所繇而區畫之爲異日地非

乙八

國圖三十三

一

金陵叢書
蔣氏校印

以流覽風景而已使未竣而于安人歿即日奔歸癸丑服除仍故官時詔選給事中御史座主孫文恪公言於冢宰謂公才望宜在選中冢宰曰吾不識也文恪使人微感公公謝不往遷刑部湖廣司主事亡何憲副公病請急歸憲副公疾寢劇轉側仰人公率虞夫人扶掖進匕飭至親奉行清浣中翬迄於歿而後已丁巳復除刑部浙江司主事部訟獄稀簡郎官日以三時治事而以其餘挾策讀書吏散烏啼檜陰四合有留而弗去者公心樂之治律之暇日取故所業四子尙書諸經傳廻環紬繹間及大學衍義補經濟錄諸司職掌名臣奏議諸書悉加搜討於國家典章尤所明習當是時肅皇帝臨御久慮臣下玩愒間以不測之威臨之而分宜相因借以行其睚眦下部議罪稍不稱上意禍立至鄧端簡公爲尙書既上難忤旨而下又難忤法則衷而請之於分宜之指不盡徇分宜銜之鄭公知公精法比又知公不能爲委蛇也乃以治尙書章奏時所陳說亦有從有不從然未嘗不心器公吳給事時來利總督楊順誤國罪上震怒下之吏法當坐斬順分宜私人故爲之殺沈鍊以自結者分宜欲貫之又虞上窮詰邊事禍及己乃別遣給事中往勘再下部議公謂鄭公當以去就爭之鄭曰如子言上怒將叵測吾區區去就不足言而士大夫之禍自此啟矣與其激而成上過當我不能執法守議有愧於張釋之而已遂減死論已而復有王直之獄王直者故歙人以巨寇勾島夷內訌江南北所過殺傷無算總

乙八

國圖三十三

二十

金陵叢書
蔣氏校印

督胡宗憲誘之降業上其罪狀而陰言於分宜冀從末減分宜指授鄭公鄭意未決公曰此叛民也與他納降者異且宗憲失信與朝廷失刑孰重鄭曰是也乃擬謀叛律梟示海上分宜值知議出公沒以不樂公與鄉人鳳阿姜公之西山邂逅友人留連信宿已而吳給諫適分宜姦諛者謂謀成於西山分宜忌且怒於是同遊者皆出爲按察僉事公得山東歎曰此可以歸矣聞山東大饑乃蹶然起曰此吾活人時也不可失馳而之任則巡撫朱公先請發粟賑得命旨矣公謂賑貸非難使民被實惠爲難諭屬吏躬詣郭內外賑之籍姓名以報公覆覈予之期以次給之里胥姦不行而民受其惠公於東事日爲審畫考轉漕無賴於河而壯勇可籍爲兵如余

乙八

卷三十三

二十一

金陵叢書
蔣氏校印

闕所言與李抱真所爲悉論著之以待施用而景王會之國道出公部內舟大小千艘役夫二萬猶不足謀派內邑鄉夫佐之公知鄉夫易虐而顧募者之無以害也請於巡撫不以夫而以直往王舟自平原至沙河二千里一用顧募費省而人便半月出境是役也供張調度悉倚辦公晝夜奔波河干臥不帖席者浹旬先是闕校縱橫途中窘郡邑吏或束縛之以徇獨山東無擾耳而公亦以積勞病乞休兩臺兩臺持不可乃自疏得予告歸閑居益以向所討論著爲書尙書四書以次爲論說不數歲書成而公聲實日益著臺使者報命薦公無虛歲今上萬厯初元江陵張公當軸冀得賢而任之甚切適有薦公者起備兵浙西張公且移書勸駕語甚鄭重公

不無知己之感乃決意行浙西剽悍饒訟獄鹽盜出沒含山賊潘榜據險聚眾官兵不得前公至出榜諭以利害甚辨廉其宿猾罪遣之訟爲衰止授方畧崇德蔡令捕治榜等皆得修保甲法參而伍之令人互爲守繕要衝習技擊寇至輒覺覺輒禽閭里中竟公代無犬吠之警矣嘉興舊設兵船十四民壯二百人巡徼鹽盜春秋調發西海口白塔港爲汛備踰期還捕盜以爲常第游徼散處各地賊至不敢格類以眾寡不敵爲解公尅信地令合力以守而時督察之有倭船四入徐公洋所部將士與戰覆之海捷聞增秩錫金而公且欲盡罷客兵歸土著又欲練土著之習於水者而兼陸技以召爲尙賓少卿不果濱行有司取公積羨以進正色麾之或曰公

乙八

卷三十三

二十一

金陵叢書
蔣氏校印

卽不以自潤盍餽遺鄉先生可爲德也公斥曰此與自潤何異抵京既陛見謁張公邸舍張方貴倨甚然頗相勞問意起公田間列禁近當曜就己而公顧無加禮於是張公始不悅已遷尙賓卿公以謂周官宮正宮伯掌宮中之環衛直宿爲之名籍比其在否今尙賓即其遺意吾安得以無事委而晏眠肘腋間耶故持之甚嚴有干請者拒不受大璫邸得用思中之以疏下不面承爲公罪構於上上問內閣張又內陳公不爲旁解公上章引咎奪半歲奉已而御史劉臺發張十大罪罪皆有指張疏自列且求退六部諸曹奏留之尙書疏公具草大指欲上全諫臣以安大臣張讀之大恚曰若乃欲爲臺地耶輒遷公南鴻臚以行會星變自陳省臣王蔚傳作舟

遂承江陵指露章劾公然無可捫撫第以前尚寶尊奉事據
爲罪得旨致仕實戊寅正月也公歸而研精舊學於尚書四
書益爲緒正春秋亦脫稿庚辰修王氏家訓憲副公年譜周
易周官古禮經傳於子史亦多所裁定壬午張公卒省臺抨
其黨殆盡卿貳之位爲之一空識者言海內耆碩擠於執政
者當及時柄用會有旨吏科都給事中周邦傑乃舉禮書陸
公等三十七人公與焉自是諸公先後起洊至大位而公嚴
居自如至辛卯始起公南太僕少卿未至晉南光祿寺卿時
陸莊簡公爲冢宰問語余曰吾同時之人凋謝盡矣獨兩王
公在耳公爲我試評其人余曰安成之理學金壇之經術此
近代卓然者其人則皆古人也公曰後生目不覩前輩之風

乙八

國三十三

二二三

金陵遺書

蔣氏校印

久矣吾爲出兩古人以示之因首舉公公自計精力尙足以
爲而默念國勢人心有與嘉靖間大不同者上徒欲以深居
獨斷仰法皇祖而政未可冀也抵任爲備陳今昔異勢欲聖
明厲精聽納以亟宗社大計言甚切而婉疏入報聞光祿於
南中事甚簡又四署分治公不敢屑越顧益虔鉤考寺故實
葺爲志又寺田佃於民額收什二三公度寺經費亡幾而第
以益墨吏藥無爲也爲校歲所出收之餘悉除其額著爲報
令壬辰十二月晉南大理寺卿明年八月晉南刑部右侍郎
平亭疑獄與所釋株累抑豪右者比比有勳臣悖不受法諸
桀猾爪翼之爲遠近害臺察以聞下公鞠之議者欲委咎其
黨公獨蔽罪首惡者奏下勒歸之鄉而其黨亦解散凡熱審

者一虛重辟者二雖死者亦心服而去乙未晉南京都察院
右都御史掌院事三歲中三辭而秩益進方思飭百察以報
稱上意而省臣慮大中疏上言公春秋高不宜在任請加銜
致仕公辭益力奉溫旨許歸漢李固歎朝皆年少無一宿儒
大臣可壓羣望者公豈非其人耶一時賢人如少宰鄧公以
讚納言楊公時喬憲部鄒公元標廷尉朱公廷益輩莫不推
轂公惟恐後而竟以老罷然於公得矣公歸益杜門埽軌郡
邑長吏有終任去不一識面者獨與從子璽自相師友過從
談笑而已暨種學續行雖嚴事公而亦時時而歲闕失故公
樂與之游此外惟手一編伊吾不輟飢以爲食怠以爲枕古
稱書淫傳癖有不足喻其篤者學以程朱爲矩矱而實求以

乙八

國三十三

二二四

金陵遺書

蔣氏校印

自得之不名一家如朱門末流推衍汗漫未嘗不厭薄之也
稍思實踐有所契悟者未嘗不心折也吁江羅先生與公爲
寮嘗忤然有會於其言錄其往復語載之集中則公口口口
口公操履深醇學有根抵平生仕者什三處者什七面貌嚴
冷目無權相然徒行里中與後進講敵禮而無忤色被服飲
食有寒士所不堪者而先宗族戚友之急職事所關引義力
爭不爲苟從而口不挂臧否經國大計講究甚晰僅以舉職
名而不傍鶻於局以外大氏知闇然自修盡吾分而已至世
之馳騁炫耀以爲名高者不但爲亦不知也故余嘗謂公
乃深於經者也以彼侈爲說鈴反躬多闕者不足道已卽博
精於見聞檢柙於行事而不能忘名者亦孔子之所謂爲人

者耳以視公爲何如哉昔人言元德秀當以道紀天下劉迅
當以六經諧人心使德秀據師保瞻形容乃見其仁迅謀治
亂根原參乎元精乃見其妙以此言之於公猶爲未盡其用
惜夫公所著有周易私錄尙書日記詩考周官私錄春秋輯
傳四書紹聞編讀律私箋考定周易參同契老子解王氏族
譜宗約家訓遲菴府君年譜言行錄方麓居士集戊申筆記
紫薇堂劄記省往錄鎮江府志若干卷卽余所著於藝文志
者生正德辛巳九月二十六日卒萬曆己亥九月一日年七
十有九配處氏安陸守述庵公夔女子四長啟疆以選貢爲
涉縣令先公卒娶按察使賀公邦泰女次肯堂翰林院檢討
余同籍進士娶都察院都事于公明照女次干城娶尙寶卿

乙八

卷三十三

二十五

金陵叢書
蔣氏校印

靳公弘女次岳陞娶雲南守張公祥齋女皆邑諸生女一嫁
馬震器早卒孫五長懋錕娶司寇姜公寶孫女次懋錕娶汝
州同知蔡公近仁女啟疆出次懋錕娶處士虞公一鳳女次
懋錕娶貢士孫公雲仍女干城出次鏡娶余女岳陞出皆諸
生孫女四壻爲荆本端孫胤蕃周繩祖虞大復曾孫四彥漬
彥祖懋錕出彥溉彥泳懋錕出彥漬郡諸生聘刑部郎中于
公玉立女餘皆幼余少且賤於公無能爲役第結髮讀公書
知所嚮往頃從婚媾後益習公庶幾稍窺其樊者輒取仲子
堂所纂事損益之爲狀以備采擇至發明盛美垂示來世則
有大君子之手筆在謹狀